

清
水
舘
藏

叙

吾先世之能詩者多矣世所稱清泉張氏派也然十四世以前所著之詩多卽淪亡欲選錄焉苦於難成卷帙故有年叙詩厥自十四世祖全協公始由是而萃求公而介石公叙功公東賢公世嘗以張氏四先生目之非特其詩與全協公如出一轍卽以節義論實有全協公倡之於前而四先生維之於後者有年不敏不能步履先人之典型然不忍先人之節義久不聞于世爰卽其詩而叙次之且于詩之外兼及偶考輿詩話薈萃成冊以問于世蓋亦冀當世知吾先世固多能詩之流且因詩以知吾先世固多崇尙節義者也時宣統三年仲夏之月裔孫有年謹叙

目次

山舍偶存

山舍偶考

覺齋山中藏稿

庭學草

僅存草

求定齋詩草

蛟川詩話

山舍偶存

蛟海張鳴喈
同里邵似歐
又甫著
甫選

山舍十章

山舍飽看雲影。卷舒自在天心。不知此中何意。出岫歸岫難尋。
山舍多栽綠竹。俗情遮斷塵痕。閒中好憑籜簾。寬處得自行根。
山舍獨依古栢。亭亭高對數峯。曾經去年冬雪。自受野外春風。
山舍門前曲水。紆迴百里來茲。湖頭夜疏泉道。陌上春耕及時。
山舍橋頭夜月。自來此地誰看。似緣愛我新句。遙影移上闌干。
山舍種蔬小圃。栽花恐惹春禽。笑人千畝逐逐。輸我一徑深深。
山舍鳬鷗共狎。溪邊隨意沈浮。如何看汝青羽。曾不憐吾白頭。
山舍里餘釣艇。朝朝持尺釣魚。魚鮮恐誤。明日江岸啣魚。
山舍雪蕉特立。晨炊白屋邊。遲所宵於薪牛把。得許堂稚戲嬉。

山冷傍山五六。登高直見萬峰。好如廿年腳板。歷盡南北西東。

爲友人題鶴贊

萬里凌霄有翮。自排闥闥而飛。金穴雷門迴舞。丹崖翠巘同棲。火精因依金氣。華亭倩練耶溪。九轉丹砂冠頂。雙揮白雪鑒衣。鮑賦幽徑胎化。淮經羽族仙驥。集坐來於介象。乘軒兩厥羣雞。遐舉精神矯健。丰標骨格清癯。戒露驚聞曉暮。薄雲影轉東西。飛向九臯聲遠。影隨二客情迷。林逋開籠高放。茅君入帳相依。豈同耳目近玩。乃知天地端倪。王子緱山遠去。令威華表來遲。奮翮臨風翔玉。酬恩弄日含珠。幻逐坡仙入夢。誠隨陶母全儀。叫月庭除颺舉。竦雲毛羽清淒。若集蘭巖顧步。齊高水飲溶溪。可園中白蓮放盡。余過之適有一枝凌波獨立。許子孟祥曰。若留以待君者。喜。

賦二章

昨夜露零秋草。今朝客過輞川。一枝遲遲有待。半晌淡淡忘言。前身遠公蓮社。誤落世網堪嗟。學道已慚慧業。賦詩敢謂生花。

自喜二首

自喜郊居之樂。先人遺有敝廬。十畝閒閒可適。千林曲曲多奇。吟情牧笛相和。清夢僧磬與俱。雲際水邊自我。不知誰亦此如。

靈峯

古洞赤城標起。危峯碧月如飛。石湫光明爲鏡。玉几錯落披衣。方竹斯人在茲。青青松影移時。是雲非雲所處。出岫歸岫何之。

懷古雜詠

王氣溯今古。動云天與人。人心尙在燕。天意乃屬秦。燕丹重一國。荆軻輕一身。烈采流易水。媿殺盈朝臣。徒爲髮上衝。挾彼壯士倫。暴秦猶未滅。七首那得親。千秋有餘恨。痛哭易水濱。

峨峨會稽山。浩浩太湖水。勾吳據上游。於越處東鄙。納諫不行成。滅此朝夕矣。味茲伍胥忠。眷彼西施美。天意忽翻覆。輿櫓拜軍壘。傳國數百年。五廟泣焚燬。闔閭無祖宗。茫焉有妻子。安得佞臣頭。一雪先靈恥。

直道在人心。殘綱充几案。魯連不啻秦。陳壽乃蜀漢。三代忽至今。事若成片段。誰謂

中山齋。非復天潢。關張存義勇。吳魏均離叛。漢晉無春秋。斯理猶可按。所以有心人。讀史增三歎。

前溪曲

掉船往前溪。溪深雲影護。但聞笑語聲。隱隱隨溪渡。
花落沾春泥。水長低春樹。曙鳥向人啼。不忍浣紗去。

預訂遠公迎倒屣。偶持梵語悟炊沙。衆生待脫生生相。一帶琳宮奉髮牙。
白鶴峯高千樹月。玉儿山帶一溪風。祇園布地金應在。牛角新醪春意濃。
高僧名字兩追尋。磯上風塵軟不侵。入社祇陀宗席在。深談萬法在人心。
書示同社諸生

同社諸生天下才。爭鬻一洗白雲裁。朱絃清越音盈耳。榕樹溪光映綠苔。
不關論秀以言揚。晉宋人材亦漢唐。猶是玉壺冰應在。昌黎磨礪挹天漿。
小畫心聲有辨之。元珠沉水是人知。數升墨飲固應爾。把似風簷癡不癡。
酒熟花明海月高。短衫落拓笑吾曹。不二過遺韓愈得。日五色留李薦豪。

薄技雕蟲何足論。源流道統在斯文。四明朱有四君子。懸月一輪千古存。

臨高臺

臨高臺。望美人。美人不可見。北望生白雲。白雲茫茫繼天表。令人可望不可親。揮淚
湘川空抱竹。狂歌楚客離招魂。江風吹浪雁起急。山木帶秋蟬欲泣。天地否塞白日
昏。雲氣當空作人立。塊蒼勃鬱龍之靈。四野元黃戰血腥。哀聲訴天一弗聽。臨高臺
兮。亭亭。

文山草木來。力欲蒼天抗。文敏帝裔室。心忘宗社喪。禾黍影離離。衣冠獨無恙。斯理
不可亡。斯心難自諒。山木爲蕭疎。江波忽蕩漾。一死報九廟。不負崖山壯。欲媿二心
人。千古思豫讓。

首陽有孤竹。歲暮何青青。不與共繁艷。常自凌雪霜。嗟哉夷齊子。遺蹟傳首陽。當途
非虞夏。深谷存義皇。追隨伯與叔。依此孤竹傍。枕流臥朝日。采薇亦自芳。性堅不可
破。節直夫乃方。懷古有深情。臨風浮吾觴。

夜坐

納涼憑水際。曖曖自邨墟。微月生天上。疎星與之俱。歸鳥從西來。倏忽影看無。大象信寥廓。吾身一蘧廬。仰觀復俯睨。因悟太古初。滄浪有長笛。三弄清且孤。幽人何所嘆。所嘆仕居諸。

邨行

邨行度橫塘。沙岸停舟穩。顛風聽驚濤。一帶孤城遠。魚龍恣汪洋。危石踞混混。海月光照明。朗朗依絕巘。溪田一掌平。弱柳千條綫。春分蟄初驚。田夫叱犢狠。農事漸與習。閒情不獨渾。板橋桃李園。水國魚鹽販。鄰老日閉門。避人故自遁。剝啄看竹人。慰問來何晚。循循水晶簾。連螭手相挽。助褻復搖青。灑落大小阮。吾自愛吾廬。不醉酒亦返。

晚過二靈精舍

湖山色隱隱。湖水波瀾瀾。峯迴徑轉深。重湖匿不見。中有二靈山。蜿蜒掉湖面。左灣右抱之。織作雙縷線。石屋踞其顛。巍然靈光殿。煙雨翠迷離。傍徑一箭。捫壁窺衆峯。蕭爽豁如練。歷歷南屏松。乍向蒼嶼薦。茅宇吐白雲。不問來何晏。

山行

瑟瑟涼風吹。仰瞻秋雲急。閒尋謝眺山。扶筇梯薜。羣峰環崔嵬。曲澗流湑淥。林禽向客鳴。古籐緣樹立。循逕尋古寺。有僧翻貝葉。客至僧不知。僧見客長揖。童子爲烹茶。味如雪藕汁。黃茅炊白飯。野藪山肴雜。金蘭豈夙訂。語言互酬答。客歌僧欲狂。僧談客欲泣。知非證辟支。潛身理梵筴。斜陽催客歸。欸欸整禪榻。爲待明月來。此夕非偶集。夜深雲霧多。清露沾衣濕。

治圃

臨江結茅屋。時事非思存。閑閑得十畝。栽成種菊園。幸與市井遠。更無車馬喧。風晨兼月夕。聊以娛琴樽。陰森垂栢子。蟠曲臥根。詎令藤蔓延。擾此花影繁。呼僮急治圃。如人滌襟煩。夜沽彭澤酒。朝挹扶桑殿。翳惟八口家。蕃畜雞與豚。儵忽雲霧塞。白晝成黃昏。濤疑兼夜雨。烏或啼蜀魂。豈真原上日。不照水邊村。守茲清芬在。渾幹厚自敦。語花花亦解。相對仍無言。

對酒

生平不善飲。有酒聊自娛。對酒忽復止。望空長嘆吁。此意人未解。默然挽吾鬚。太陽匿光曜。坦途成崎嶇。受性良不易。處世豈真愚。童子敬掃席。主人理短襦。還將酒相對。有雲生南隅。

傲曹子建樂府白馬篇

意致何踟躕。遊歷長安邊。世事增銷鑠。輕裾任所天。少小縱厥性。馳驅年復年。左把魯連袂。右拍荆軻肩。良工持破的。蔓草歎衝煙。嚴車歷迴陌。肅氣凜原田。精神本騰達。景物胡流連。瓊瑛雜末響。詞意增拘牽。耿耿出相告。矢志直於弦。千金然諾重。一死何吝焉。祇此卓犖懷。豈事舊殘編。積憤不可遏。積怨不可捐。行衰骨亦朽。志得血亦鮮。白馬復白馬。飛鳴此洛川。

同陳鴻賓艾仲可謝天童諸人候濤山觀海酣歌

候濤矗峙城之東。支體盤鬱如虬龍。時或烈烈來朔風。濤奔浪鼓吼洪鐘。壁立千仞意何雄。湯湯直欲吞崆峒。洗瀆澎湃眼際蒙。瀕洞淡漫奚所終。有時浪靜與鏡同。波不揚兮水溶溶。滄海巨艦任橫縱。猷琛猷璫外使通。有時晴光未吐紅。蜃樓兀起海

之中。若隱若現。疑濛朧。若遠若近。常相從。是山雄據。凌蒼穹。百川湧躍。朝其宗。金雞虎蹲。特附庸。三山五岳。等隣封。良朋雅集。偶呼童。提壺置酒。情交濃。洗盥更酌。盡醉翁。噉然一視。塵懷空。人生樂處。原無窮。天機得此。況玲瓏。携來直上。候濤峯。蛟門屹立。勢嵒嵒。開拓平生。拘滯胸。

答謝天童京邸見懷次來韻

丈夫夙負四方志。不偶於時徒遙企。良朋倚劒上春官。同雁停雲千里至。告言時移情不移。東風海國遙相吹。飛觴定應有知己。不數長安道阿誰。萬戶月光中夜徹。故人有夢爲君說。墨墨豈言百鍊鋼。錚錚自持三寸鐵。本是冰霜老棟櫓。孰教版築出魚鹽。舊巷子孫誇有鳳。故鄉啄食道如鶩。鰕生海角謀無計。芝採山頭鄉不帝。滄瀾脂膏潤薄疎。好識雲頭踞上頭。自來文史足三冬。上國白雲何處封。握筆凌滄寄笑傲。青蓮文具高力供。可記不才臣草莽。姓名久謝黃金榜。豈是碩人邁軸心。要知今是應看往。候濤山上發狂歌。頭陀相對念婆娑。相羊忘羊肯挾策。駒中隙返魯陽戈。奉贈林太常。名時對字殿颺兄。時躍字霞舉。貢士必達字非聞。行人丙戌後。

俱高隱詩逸但存題目

采蓮曲

今日采蓮歸。明日采蓮去。乍開並蒂蓮。知被荷花妬。

秋思

山川繪秋容。我心不能寫。秋砧催寒蛩。夜夜泣牖下。
朝爲巫山雲。暮爲巫山雨。襄王不得夢。空自賦媚嬋。
宋玉謠

春怨

妾本故宮人。猶記故宮事。鶯聲枝上啼。自咽傷春淚。
東家顏色嬌。西家裝束好。傷心輦路旁。百花化腐艸。
不寐

古屋傍谿橋。不知巖有花。倚牀愁不寐。碑角蝕將斜。
不寐吾常耳。多因待月癡。心隨夢旋退。何必曉山知。

妙高臺

峭壁千尋鳥道開。扳藤捫石上平臺。玉龍一怒何年息。噴薄風雲作巨雷。
綠繞平嘯擁翠翹。雲光淨處月輪高。山靈也抱無窮恨。揮淚深山日夕號。
陳鴻賓九十二矣猶善飲卽席戲贈二絕

不老三山藥鹿旁。虎耽鯨飲態非常。百年三萬六千是不醉。如君有幾場。
重尋上界謫神仙。便遇青蓮古洞天。舉手自攀雲路近。幾聽天子再呼船。

入山

步履肩輿取次裁。桃源遠在碧雲隈。山僧莫訝經旬別。采藥何當去復來。

無題

門外草荒初泣露。庭前花落已驚秋。蠨蛸自向枝頭網。不與雲光論去留。

晚眺

醉後情深携小童。天低雲樹影濛濛。故人一去無消息。疑在邨西暮雨中。

燕

無那春風去復回。一雙燕子探妝臺。有家只恐今非昔。飛傍門庭總晚來。

九日卽事

重陽有酒菊應開。特到籬邊說幾回。誰遣登高尋彥會。西山爽氣客同來。

奕

文章浪說學西京。得失渾忘寵辱驚。睡起便敲三百着。半生拙守老棋枰。

靈峰古寺

森森方竹碧琅玕。古屋巍峨松影寒。舊是劉伶曾攬勝。何時五岳與同看。

夜歸邨東

玉壺自有映冰心。此夕初醒清夢深。同是月明尊酒在。餘香吹笛薄寒侵。

山居

爰賦時違日。深懷聊自娛。煙波思釣叟。耕耨學農夫。亭榭今誰主。詩書舊有廬。客來詢近貺。筆墨非全蕪。

東陳不貳

閉門時得月。開戶已臨風。世事都如此。吾身合固窮。春深花欲醉。巷曲路難通。剩有

相思句。燈明五夜中。

遊雪竇

紆廻循石徑。素練倚雲飛。斜帶平疇綠。深滋春筍肥。煙霞繪世態。笑語入琴徽。盡日危亭望。臨流坐釣磯。

邵茲文來留宿山館

萬里行踪客。迢遙何所之。趙燕同感懷。風雨獨淒其。色向山河改。情隨歲月移。扶筇老友在。三徑步遲遲。

司馬勳名舊。恩深望帝京。黍禾空有咏。我蓼竟無聲。老我三生石。遲君萬里旌。溪頭雙鷺宿。清夢訴前盟。

山居

剩有幽居樂。花隨世事閒。餘寒猶在月。薄暮獨依山。人喜沽魚到。僧從乞食還。道書幾卷在。藥種未經刪。

避難

晚景疑無路。黃塵四野看。月憐幽谷冷。風捲碧山寒。秦苑臺何在。漢廷臘未殘。可憐故主意。籬犬尙心酸。

還家晚坐

還家秋雨後。晚坐一燈明。共有平安訊。因知兒女情。霜驚籬菊傲。雲護野田平。隔岸江城在。潮來送鼓聲。

夏日溪堂

避市深居寂。開門清晝長。心猶明魏晉。身欲上羲皇。白飯田家好。黃精山舍香。要知雲水樂。蛙鼓弄池塘。

上辛酒

不飲上辛酒。多疑居士非。看雲成獨酌。待月奈重違。法相波羅密。太和元氣飛。黃墟戰白石。松影漾魚肥。

寄艾仲可

留有愚公谷。閒情酒數杯。飯崖松故老。遶屋竹新栽。日暮童吹笛。山寒僧送梅。還來